

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԳԱՀԱԿԱԼՈՒԹՅԱՆ ԵՐՐՈՐԴ ՏԱՐԵԴԱՐՁԸ ՄԱՅՐ ԱԹՈՌ Ս. ԷԶՄԻԱՄՆՈՒՄ

Երեք տարի առաջ, նոյեմբերի 4-ին, Մայր Աթոռ Ս. Էջմիածնում տեղի ունեցավ Նորին Սուրբ Օծնություն Ս.Տ. Գարեգին Բ Ամենայն Հայոց 132-րդ Կաթողիկոսի օծման և գահակալության հանդիսավոր արարողությունը:

Հայոց Հայրապետի գահակալության տարեդարձը Մայրավանքում եշվեց կիրակի օրը, նոյեմբերի 3-ին, հընթացս Ս. Պապարագի՝ Հայաստանյայց Առաքելական Եկեղեցու Նվիրապետական Աթոռների ներկայացուցիչ բարձրաստիճան եկեղեցականների, Հայաստանի և Սփյուռքի թեմակալ առաջնորդների, Մայր Աթոռի միաբանների, Գերագույն Հոգևոր Խորհրդի անդամների և բազմաթիվ հավատացյալների ներկայությամբ: Պապարագին էր Ս. Խաժակ արքեպս. Պարսամյանը: Տարեդարձի առիթով թեմակալ առաջնորդների և եպիսկոպոսաց դասի մասնակցությամբ Իջման Ս. Սեդանի առջև կատարվեց Հայրապետական մաղթանք, ապա Խաժակ Սրբազանն անդրադարձավ Ամենայն Հայոց Կաթողիկոսի գահակալության երեք տարիների գործունեությանը՝ մասնավորապես կարևորելով եկեղեցաշինության և հոգևորականության նոր սերնդի պատրաստման ոլորտներում արձանագրված իրագործումները:

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի գահակալության երրորդ տարեդարձի առիթով Նորին Սրբությանը շնորհավորական և բարեմաղթանքի իրենց զգացումներն են փոխանցել քույր Եկեղեցիների առաջնորդներ, Հայ Եկեղեցու Նվիրապետական Աթոռների գահակալներ, Մայր Աթոռի միաբաններ, պաշտոնությունը, ինչպես նաև զիտության և մշակույթի գործիչներ:

Նախորդ օրը, հընթացս Հայրապետական մաղթանքի, Հռոմի Կաթոլիկ Եկեղեցու պետ Նովիանես-Պողոս Բ Պապի շնորհավորական գիրն Ամենայն Հայոց Կաթողիկոսին հանձնեց Անդրկովկասյան երկրներում պապական նվիրակ եպիսկոպոս Կլաուդիո Գուջերոտի-տին:

**ՄԱՅՐ ԱԹՈՌ Ս. ԷԶՄԻԱՄՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ:**